



加
瑞
110
1

晉張華茂先撰

博物志

浪華

河內堂藏

正續博物志序

余曾見事文類聚及諸家註中
有出博物志者，思欲一見全書，
以廣見聞者久矣。歲戊子冬，以
天朝行至山海關，以張華李石兩
志來賣者，遂購得之。萬里行邇，
賀正赴。

無暇寓目挈而東歸居閑處獨
披閱再三天地之高厚日月之
晦明四方人物之不同昆蟲艸
木之微妙者無不備載自昔物
理之難究者盡在胸中開豁無
碍正如披雲霧覩青天可樂也
然常以未獲廣布未與人共之

為嫌今年謬應

朝命出按湖南巡到帶方乃與主
倅共論幽頤語及博物志遂以
兩帙囑之俾鋟諸梓閱數月功
訖倩工印之從容蘊繹前日未
盡料理者融會無餘不知我為
張李張李為我也世之博雅君

子如以沉^{モレ}之筆談段^カ之雜俎^{タラ}粗參^テ而考^ス之^ラ則其於研窮^企衆理^ラ何有哉

嘉靖辛卯良月下浣鏡湖居士崔
世節介之書

博物志卷之一

晉司空張華茂先撰

汝南周日用等注

余視山海經及禹貢爾雅說文地志雖曰悉備各有所不載者作略說出所不見粗言遠方陳山川位象吉凶有徵諸國境東大牙相入春秋之後並相侵伐其土地不可具詳其山川地澤略而言之正國十二博物之士覽而鑑焉

地理略自魏氏日已前夏禹治四方而

制之

河圖括地象曰。地南北三億三萬五千五百里。
地部之位，起形高大者有。岷崐山廣萬里高
萬六千里。神物之所生，聖人仙人之所集也。
出五色，雲氣五色，流水其泉南流入中國。名
曰河也。其山中應于天，最居中八十城布繞
之中。國東南隅居其一分，是奸城也。
國之城左濱海右通流沙方而言之，萬五千
里東至蓬萊，西至龍右，右跨京北，前及衡岳。
堯舜土萬里時七千里亦無常隨德劣優也。

堯別九州，舜為十二

秦前有藍田之鎮，後有胡苑之塞。左嶠函右龍
蜀，西通流沙，險阻之國也。

蜀漢之土與秦同域，南跨邛筰，北阻褒斜，西即

限礙，隔以劍閣，窮險極峻，獨守之國也。

周在中樞，西阻崤谷，東望荆山，南面少室，北有

太嶽三河之分雷風所起，四險之國也。

魏前枕黃河，背障水，瞻玉屋，望梁山，有藍田之

寶浮池之淵。

銷東臨九州，西瞻恒嶽，有沃濕之流，飛壺井陘，

之險至于穎陽涿鹿之野

燕却背沙漠進臨易水西至君都東至於遼長

蛇帶塞陰陸相乘也

齊南有長城巨防陽關之險北有河濟足以爲固越海而東通于九夷西界岱嶽配林之險

坂固之國也

魯前有淮水後有岱嶽蒙羽之向洙泗之流太

野廣土曲阜尼丘

宋北有泗水南迄睢澨有孟諸之澤碣山之塞也

楚後背方城前及衡嶽左則彭蠡右則九疑有江漢之流實陰阻之國也

南越之國與楚為鄰五嶺已前至于南海負海之邦交趾之土謂之南裔

吳左洞庭右彭蠡後濱長江南至豫章水戒陰

阻之國也

東越通海處南北尾閭之間三江流入南海通

東治嵩海深險絕之國也

衛國跨于河北得淇水南過漢上左通魯澤右

指黎山

讚曰

地理廣大，四海八方，遙遠別域。
略以難詳，侯王設險，守固保彊。
遠遮川塞，近備城隍，司察奸非。
禁禦不良，勿恃危阨，恣其淫荒。
無德則敗，有德則昌，安屋猶懼。
乃可不亡，進用忠良，社稷永康。
教民以孝，舜化以懿。

○地

天地初不足，故女媧氏練五色石以補其闕，斷

鼈足以立四極。其後共工氏與顓頊爭帝，而怒觸不周之山，折天柱，絕地維，故天後傾西北，日月星辰就焉。地不滿東南，故百川水注焉。

崑崙山北，地轉下三千六百里，有八玄幽都，方二十萬里。地下有四柱，四柱廣十萬里，地有三千六百軸，太牙相舉。

泰山一曰天孫，言為天帝孫也。主召人魂魄，東方萬物始成，知人生命之長短。

考靈耀曰：地有四遊，冬至地上北而西三萬里。

夏至地下南而東至三萬里春秋二分其中矣
地常動不止譬如人在舟而坐舟行而人不
覺七戎六蠻九夷八狄形總而言之謂之四海
言皆近海海之言晦昏無所覩也

地以名山爲輔佐石爲之骨川爲之脉草木爲
之毛土爲之肉三尺以上爲糞三尺以下爲
地

○山

五嶽華岱恒衡嵩

按北太行山而北去不知山所限極處亦如東

石者金之根甲石精流以生水水生木木含火
○水

漢北廣遠中國人歛有至北海者漢使驃騎將
軍霍去病北伐單于至瀚海而還有北海明
矣周日用日余聞北海言蘇武牧羊之所去
年德甚通祇一地號北海蘇武牧羊常在

於此非北溟之海

漢使張騫渡西海至大秦西海之濱有小峴崙
高萬仞方八百里東海廣漫未聞有渡者
南海短狄未及西南夷以窮斷今渡南海至交

趾者不絕也

史記封禪書云威宣燕昭遣人乘舟入海有蓬萊方丈瀛州三神山神人所集欲採仙藥蓋言先有至之者其鳥獸皆白金銀為宮闈悉在渤海中去人不遠

四瀆河出岷崐墟江出岷山濟出王屋淮出桐栢

八流亦出名山渭出鳥鼠漢出嶓冢洛出熊耳涇出少室汝出燕泉泗出涪尾汎出月台汎出太山水有五色有濁有清汝南有黃水華

山有黑水渟水淵或生明珠而岸不枯山澤通氣以興雷雲氣觸石膚寸而合不崇朝以雨

江汎水亦名曰泣血道路涉骭於河以處

山水揔論

五嶽視三公四瀆視諸侯諸侯賞封內名山者通靈助化位相亞也故地動臣叛名山崩王者訖川竭神去國隨已亡海投九仞之魚流水涸國之大誠也澤淳舟川水溢臣盛君衰百川沸騰山冢卒崩高岸為谷深谷為陵小

人握翁君子陵達白黑不別太亂之峩也
援神契曰五嶽之神聖四瀆之精仁河者水之
伯上應天漢太山天帝孫也主召入魂東方
萬物始成故知人生命之長短

○五方人民

東方少陽日月所出山谷清其人皎好
西方少陰日月所入其土窈冥其人高鼻深目
多毛

南方太陽土下水淺其人大口多微

北方太陰土平廣深其人廣面縮頸

中央四析風雨交山谷峻其人端正

南越巢居北朔穴居避寒暑也

東南之人食水產西北之人食陸畜食水產者
龜蛤螺蛤以為珍味不覺其腥臊也食陸者

狸兔鼠雀以為珍味不覺其膻也

有山者採有水者漁山氣多男澤氣多女平衍
氣仁高凌氣犯叢林氣蹙故擇其所居居在
高中之平下中之高則產好人

居無近絕溪群塚狐蟲之所近此則死氣陰匿
之處也

山居之民多癰腫疾由於飲泉之不流者今荆南諸山郡東多此疾瘴由於戰土之無鹵者今江外諸山縣偏多此病也盧氏曰不然也有及吳楚無此病蓋南出黑水水土然也如是不流泉井果左無此病也

○物產

地性含水土山泉者引地氣也山有沙者生金有穀者生玉名山生神芝不死之草上芝為車馬中芝為人形下芝為六畜土山多雲鐵山多石五土所宜黃白宜種禾黑墳宜麥黍蕎赤宜菽芋下泉宜稻得其宜則利百倍

和氣相感則生朱草山出象車澤出神馬陵出黑丹阜出土柱江南大貝海出明珠仁主壽昌民延壽命天下太立

名山太川孔穴相內和氣所出則生石脂玉膏食之不死神龍靈龜行於穴中矣

神宮在高右沼中有神人多麒麟其芝神草有英泉飲之服三百歲乃覺不死去瑯琊四萬五千里

三珠樹生赤水之上

貞丘山上有不死樹食之乃壽有赤泉飲之不

老多入蛇為人害不得居也

博物志卷一

博物志卷第一

博物志卷第二
晉 司 空 張華茂先撰
○外國
大文

夷海內西北有軒轅國在窮山之際其不壽者
八百歲諸沃之野鸞自舞民食鳳卵飲甘露
白民國有乘黃狀如狐背上有角乘之壽三千
歲

君子國人衣冠帶劍使兩虎民衣野絲好禮讓
不爭土千里多薰華之草民多疾風氣故人

不嘗息好讓故為君子國

三苗國昔唐堯以天下讓於虞三苗之民非之
帝殺有苗之民叛浮入南海為三苗國
驩兜國其民盡似仙人帝堯司徒驩兜民常捕
海島中人面鳥口去南國萬六千里盡似仙
人也

大人國其人孕三十六年生白頭其兒則長大
能乘雲而不能走蓋龍類去會稽四萬六千
里

厭光國民光出口中形盡似猿猴黑色

結胷國有滅蒙鳥奇肱民善為拭扛以殺百禽
能為飛三後風遠行湯時西風至吹其車至
豫州揚破其車不以視民十年東風至乃復
作車遣返而其國去玉門關四萬里

羽民國民有翼飛不遠多鴛鳥民食其卵去九
疑四萬三千里

穿魯國昔禹平天下會諸侯會稽之野防風氏
後到殺之夏德之盛二龍降之禹使范成光
御之行域外既周而還至南海經房風房風
之神二臣以塗山之戮見禹使怒而射之迅

風雷雨二龍昇去二臣恐以刃自貫其心而死禹哀之乃拔其刃療以不死之草是為穿胷民

交趾民在穿胷東

孟舒國民人首鳥身其先主為晝氏訓百禽夏后之世始食卵孟舒去之鳳凰隨焉

○異人

河圖玉板云龍伯國人長三十丈生萬八千歲而死太秦國人長十丈中秦國人長一丈臨洮人長三丈五尺

禹致宰臣於會稽防風氏後至戮而殺之其骨專車長狄喬如身橫九畝長五丈四尺或長十丈

秦始皇二十六年有大人十二見于臨洮長五丈足迹六尺東海之外大荒之中有大人國焦僥氏長三丈時含神霧

目東北極人長九丈

東方有螗螂沃焦防風氏長三丈短人慶九寸遠夷之名雕題黑齒穿胷釐耳禾笠歧首子利國人一手二足拳反袖

無啓民居，穴食土，無男女死埋之，其心不朽。百年還化為人。細民其肝不朽，百年而化為人。皆穴居處，二國同類也。

蒙雙民。昔高陽氏有同產，而為夫婦。帝放之，此野相抱而死。神鳥以不死草覆之，七年男女皆活。同頸二頭四手是蒙雙民。

有三國亦在海中。純女無男，又說得一布衣。從海浮出，其身如中國人，衣兩袖長二丈，又得一破船隨波出，在海岸邊有三個人。項中復有面生，得與語，不相通，不食而死。其地皆在沃

沮東大海中

南海外有鰐人水居。如魚不廢織績，其眼能泣珠。

嘔絲之野有女子方跪據樹而嘔絲。北海外也江陵有猛人能化為虎。俗又云虎化為人，好著紫葛，入足無踵。

日南有野女群行，見丈夫狀，晶目裸袒無衣，搏

○異俗

越之東有駁沫之國。其長子生則解而食之，謂之宜。父死則負其母而棄之。言鬼妻不可。

與同居

周日用日既其母為鬼妻則其為鬼

子亦合弃之矣是以知蛮夷於禽獸

犬豕之徒猶應乃然也

楚之南有炎人之國其親戚死朽之肉而弃之然

後埋其骨乃為孝也

秦之西有義渠國其親戚死聚柴積而焚之勸
之即烟上謂之登遐然後為孝此上以為政

用如是乎中國之徒亦如此也

周日法且

此事無幾佛國之法

如是乎中國之徒亦如此也

荊州極西南界至蜀諸民曰獠子婦人姪娘七月而產臨水生兒便置水中浮則取養之沉

便弃之然千百多浮既長皆拔去上齒牙各
一以為身飾

母丘儉遣王領追高句麗王宮盡沃沮東界問
其耆老言國人常乘船捕魚遭風吹數十日
東得一島上有火言語不相曉其俗常以七
夕取童女沉海

交州夷名曰俚子俚子屍長數尺箭長尺餘以
蕉銅為鏑塗毒藥於鏑鋒中入即死不時歟
藏即脣脹沸爛須臾燒煎都盡唯骨耳其俗
誓不以此藥治語久治之斂婦人月水及糞

汗時有差者唯射猪犬者無他以其食糞故也熑銅者故燒器其長老唯別熑銅聲以物杵之徐聽其聲得熑毒者偏鑿取以為箭鏑景初中叢梧吏到京云廣州西南接交州數郡桂林晉興寧浦間人有病將死便有飛蟲大如小麥或云有甲在舍上入氣絕來食亡者雖復撲殺有斗斛而來者如風雨前後相尋續不可斷截肌肉都盡唯餘骨在更去盡貧家無相纏者或殯殮不時皆受此弊有物力者則以衣服布帛五六重裹亡者此蟲惡梓

木氣即以板鄣防左右并以作器此蟲便不敢近也入交界更無轉近郡亦有但微少耳

○異產

漢武帝時弱水西國有人乘毛車以渡弱水來獻香者帝謂是常香非中國之所之不禮其使留久之帝幸上林苑西使干乘輿聞於奏其香帝取之者大如鷺卵三枚與棗相似帝不悅以付外庫後長安中大疫宮中皆疫病帝不舉藥西使乞見請燒所貢香一枚以辟疫氣帝不得已聽之宮中病者登日並塞長

安百里咸聞香氣芳積九月餘日香尚不歇

帝乃厚禮發遣餞送

一說漢制獻香不滿斤西使臨去乃發香氣如木豆者拭著宮門香氣聞長安數十里經數日乃歇

漢武帝時西海國有獻膠五兩者帝以付外庫餘膠半兩西使佩以自隨後從武帝射於甘泉宮帝弓弦斷後者欲更張弦西使乃進乞以所送餘香膠續之座上左右莫不恠西使乃以口濡膠為以住斷弦兩頭相連注弦遂

相著帝乃使力士各引其一頭終不相離西使曰可以射終自不斷帝大恠左右穢奇因名曰續弦膠

周書曰西域獻火浣布昆吾氏獻切玉力火浣布汙則燒之則繫刀切玉如鷹布漢世有獻者力則未聞

魏文帝黃初三年武都西都尉王褒獻石膽二十斤四年獻三斤

臨邛火井一所從廣五尺深二丈井在縣南百里昔時人以竹木投以取火諸葛丞相往

視之後火轉盛，熟盆蓋井上煮鹽得益入以家火，即滅訖，今不復燃也。酒泉延壽縣南山名太泉，火出如炬。

徐公曰：西域使王暢說石流黃出足跡去高昌八百里有石流黃數十丈，徑廣五六丈，有泉流黃，晝視孔中，狀如烟，而高數尺，夜視皆如燈光明高尺餘。暢所親見之也。言時氣不知皆往保此山。

博物志卷第二

博物志卷第三

晉司空張華茂先撰
汝南周用等注

○異獸

漢武帝時大苑之北胡人有獻一物，大如狗，然聲能驚人，雞犬聞之皆走，名曰猛獸。帝見之，恠其細小，及出苑中，欲使虎狼食之。虎見此獸，即低頭著地。帝為反觀見虎如此，欲謂下頭作弊起搏殺之。而此獸見虎甚喜，舐舌搖尾，徑往虎頭上立。因搦虎面，虎乃閉目低頭。

匍匐不敢動，擗鼻下去，下去之後虎尾下頭去此獸，雀之虎輒閉目。

後魏武帝伐冒頓，經白狼山，逢獅子，使人格之，殺傷甚衆。王乃自率常從車數百擊之。獅子哮吼奮起，左右咸驚。王忽見一物從林中出，如狸，起上王車輶。獅子將至此，輶便跳起，上獅子頭上，即伏，不敢起。於是遂殺之。得獅子王還來至洛陽三千里，雞犬皆伏，無鳴吠。魏武代冒頓，經白狼山，逢獅子，使格之。見一物從竹中出，如狸，上帝車輶。獅子將至，便跳

上獅子頭，獅子伏不敢起。遂殺之。得獅子，還至四十里，雞犬皆無鳴吠。

九守有神牛，乃生谿上。黑出時共鬪，即海沸黃，或出鬪岸上。家牛皆怖人，或遷則震震號。日神牛。

昔日南貢四象，各有雌雄。其一雄死於九真，乃至南海，百有餘日。其雌塗土蓄身，不飲食。空臥草間，問其所以，聞之輒流涕矣。

越窩國有牛，稍割取肉，牛不死。經日，肉生，如故。太宛國有汗血馬，天馬種。漢魏時，西域有獻者。

文馬赤鬚身白似若黃金名古黃之乘復薦之

露犬也能飛食虎豹

蜀山南高山上_有物如猱猴長七尺能人行健走名曰猴玃一名化或曰猴玃同行道婦女有好者輒盜之以去人不得知行者或每遇其旁皆以長繩相引然故不免此得男女氣自死故取男也取去為室家其年少者終身不得還十年之後形皆類之意亦迷惑不復思歸有子者輒俱送還其家產子皆如人有不食養者其母輒死故無敢不養也及長與

率皆假犧化之子孫時時相有犧爪者也

小山有獸其形如鼓一足如蠶澤有委蛇狀如

轂長如轅見之者霸

猩猩若黃狗人面能言

○異鳥

崇丘山有鳥一足一翼一目相得而飛名曰雀

見則吉良乘之壽千歲

比翼鳥一青一赤在參嶠山

有鳥如鷗人首白喙赤足曰精衛故精衛常取

西山之木石以填東海。

越地深山有鳥如鳩青色名曰冶鳥穿大樹作巢如升器其戶口徑數寸周飾以土堊赤白相次狀如射侯伐木見此樹即避之去或夜冥人不見鳥鳥亦知人不見已也鳴曰咄咄去明日便急急上樹去咄咄下去明日便宜急下若使去但言笑而不已者可止伐也若有穢要及犯其止者則虎通夕來守人不知者即害人此鳥自日見其形鳥也夜聽其鳴人也時觀樂便作人悲喜形長三尺間中取

石蟹就人火間炙之不可犯也越人謂此鳥為越祝之祖

○異蟲

南方有落頭蟲其頭能飛其種入常有所祭祀號曰蟲落故因取之焉以其飛因服便去以宜為翼將晚還復著體吳時往往得此人也江南中谿中水射工蟲甲類也長一寸口中有弩形氣射人影隨所著處發瘡不治則殺人令鵝嫂蟲溺人影亦隨所著處生瘡盧氏鵝腸草楊塗經日即愈周日用日萬物皆有解相感愚聞以蟲蠹木擊鳥影其鳥應時落

地雖未嘗試以
是類之必有之

蝮蛇秋月毒盛無所蟄螫嚙草木以泄其氣草木即死人樵採設為草木所傷刺者亦殺人毒治於蝮齧謂之蛇迹也

華山有蛇名肥遺六足四翼見則天下大旱常山之蛇名牽然有兩頭觸其一頭頭至觸其中則兩頭俱至孫武以喻善用兵者

○異魚

南海有鰐魚狀似鼈斬其頭而乾之去齒而更生如此者三乃上

東海中有半體魚其形狀如牛剥其皮懸之潮水至則毛起潮去則毛伏

東海蛟錯魚生子子驚還入母腸尋復出

吳主江行食鱠有餘棄於中流化為魚今魚中有名吳主鱠餘者長數寸大者如筋猶有鱠

形

廣陵陳登食膾作病華佗下之膾頭皆成虫尾猶是膾

東海有物狀如凝血從廣數尺方負名曰鮀魚無頭自處所內無藏衆蝦附之隨其東西入

○異草木

太原晉陽以化生屏風草

海上有草焉名篩其實食之大如麥七月稔熟

名曰自然谷或曰禹餘糧篩音師

堯時有禹佚草生於庭傍人入朝則屈而指之

一名指佞草

右詹山帝女化為詹草其葉鬱茂其花黃實如

豆服者媚於人

止些山多竹長千仞鳳食其實去九疑萬八千

里

江南諸山郡中大樹斷倒者經春夏生菌謂之
椹食之有味而忽毒殺人云此物往往自有
毒者或云蛇所著之楓樹生者啖之令人笑
不得止治之飲土漿即愈

博物志卷第四

晉司空

張華茂先撰

汝南

周日用等注

○物性

九竅者胎化八竅者卵生龜鼈皆此類咸卵生影伏

白鷁雄雌相視則孕或曰雄鳴上風則雌孕兔舐毫望月而孕口中吐子舊有此說余固所見也

大腰無雄龜鼈類也無雄與蛇通氣則孕細腰

無雌蜂類也

取桑蚕則阜螽予况而成子詩云螟蛉之子蜾蠃負之是也

蚕三化先孕而後交不可者亦產子子後為蠶皆無胥自易傷收採亦薄

鳥雌雄不可別翼右掩左雄左掩右雌二足而翼謂之禽四足而毛謂之獸

鵲巢門戶背太歲得非才智也

鵲雉長毛雨雪惜其尾栖高樹杪不敢下食往從餓死時魏景初中天下所說

鵲水鳥也伏仰時仰冷則不沸取譽古用繞卵以時助燥氣故方術家以鵲巢中譽古山雞有羨毛自愛其色終日映水目眩則溺死龜三千歲旋於巓其之上

蜃龜解其肌肉唯腸連其頭而經日不死猶能齧物鳥往食之則為所得漁者或以張鳥神

蛇復續

蟾蜍以背行快於足用

周官云貉不渡汶水鶴不渡濟水魯國無鶴鷄來巢記異也

橋渡江北化為枳今之江東甚有枳橘百足一名馬茲中斷成兩段各行而去

○物理

凡月暈隨灰畫之隨所畫而闕淮南子云淮南子云未詳其法麒麟鬪而日蝕鯨魚死則彗星出嬰兒號婦乳出

莊子云地三年種蜀黍其後七年多蛇

積艾草三牛後燒津液下流成鉛錫已誠有驗前麻油水氣盡無烟不復沸則還冷可內手攬乏得水則焰起散卒不滅此亦試之有驗

庭州瀉水以金銀鐵器盛之皆漏唯瓠葉則不漏

龍肉以醯漬之則文章生

積油滿萬石則自然生火武帝泰始中武庫火

○物類

燒鉑錫成胡粉猶類也

燒丹朱成水銀則不類物同類異用者

○石 魏文帝所記諸物相似亂者

武夫枕石似美玉

蛇牀亂蘿蕪

齊莞亂人參

杜衡亂細辛

雄黃似石流黃

鱠魚相亂以有大小相異

敵休亂門冬

百部似門冬

房葵似狼毒

拔禊與葦辭相似

一名狗脊

○藥物

烏頭天雄附子一物春秋冬夏採各異也

遠志苗曰小草根曰遠志

芎藭苗曰江離根曰芎藭

菊有二種苗花如一唯味小異苦者不中食
野葛食之殺人家葛種之三年不收後旅生亦
不可食

神仙傳云松柏脂八地千年化為茯苓茯苓化
為琥珀琥珀一名江珠今泰山出茯苓而無
琥珀益州永昌出琥珀而無茯苓或云燒蜂
巢所作未詳此二說

地黃藍首斷心分根葉種皆生女蘿寄生兔絲
兒絲寄生木上生根不著地
輩花朝生夕死

○藥論

神農經曰上藥養命謂五石之練形六芝之延年也中藥養性合歡蠲忿萱草忘憂下藥治病謂大黃除實當歸止痛夫命之所以延性之所以利痛之所以止當其藥應於痛也偉其藥失其應即怨天尤人設鬼神矣

神農經曰藥物有大毒不可入口臭耳目者即殺人一曰鉤吻盧氏曰陰地黃精不相連根萬獨生者是也二曰鵠狀如雌雞生中山三曰陰命赤色著小懸其子出海中四曰內童狀如鵝亦生海中五曰鷦羽如雀黑頭赤喙亦曰螭蛇生海中雄曰蟠蛇曰螭蛇也

神農經曰藥種有五物一曰狼毒占斯解之二曰巴豆瞿汁解之三曰黎蘆湯解之四曰天雄烏頭大豆解之五曰班茅戎盐解之毒藥害小兒乳汁解先飲二升

○食忌

人啖豆三年則身重行止難

啖榆則眠不欲覺

啖麥稼令人力健行

飲真茶令人少眠

人常食小豆令人肥肌羸燥

食鷺麥令人骨節斷解。

人食鷺肉不可入水為蛟龍所吞。人食冬葵為狗所齧瘡不差或致死。

馬食谷則足重不能行。

鴈食粟則翼重不能飛。

○藥術

胡粉白石灰等以水和之塗鬚鬢不白塗訖著油單裏令溫煥候欲燥未燥間洗之湯則不得著晚則多折用暖湯洗訖澤塗之欲染當熟洗鬚鬢有膩不著藥臨染時亦當拭鬚燥。

溫之

陳葵子微火炒令爆空散著熟地遍踢之朝種暮生速不過絳宿耳。

陳葵子秋種覆蓋令絳冬不死春有子也

周日用曰

愚聞熟地柏生菜蘭擣石流黃篩其上以金覆之即時可待又以麥白牡丹為五色皆

以沃其根以紫草汁一則變之紫紅花汁

則變紅並未試代理可為此出余雅

燒馬蹄羊角成灰春夏散著濕地生羅勒，

鱸漆相合成為神仙藥服食方云

○戲術

削木令圓舉以向日以艾於後成其影則得火

取火法如用珠取火多有說者此未試

神農本草云雞卵可作琥珀其法取伏卵段薰

白澤雜者煮及尚軟隨意刻作物以苦酒漬

數宿既堅內著粉中佳者乃亂真矣此世所

恒用作無不成者

燒白石作白灰既訖積著地經日都冷遇雨及

水澆即更燃煙焰起

五月五日埋蜻蜓頭於西向戶下埋至三日不

食則化成青真珠又云埋於正中門

蜥蜴或名蝘蜓以器養之以朱砂體盡赤所食

滿七斤治擣萬杵點女人支體終年不滅唯
房室事則滅故號守宮傳云東方朔語漢武
帝試之有驗

取蠶挫令如碁子大擣赤覓汁和合厚以茅苞
五六日中作殺地中經旬癰癰盡成蠶也

博物志卷第四

博物志卷第五

晉司空張華茂先撰
汝南周日用等注

○方士

魏武帝好養性法，亦解方藥，招引四方之術士。
如左元放、華佗之徒，無不畢至。周日用曰：曹
道異，如何招引方術之人乎？如左元放而
兼見殺者，若非變化已至滅一身故，有道者不
試術而可乎？

魏主所集方士名

上黨王真

隴西封君達

甘陵甘始

魯文生

譙國華佗字元化

東郭延年

唐璽

冷壽光

河南卜式

張昭

薊子訓

汝南費長房

鮮奴韋

魏國軍吏河南趙聖卿

陽城鄭儉字孟節廬江左慈字元放右十六人魏文帝東阿王仲長統所說皆能斷穀不食分形隱沒出入不由門戶左慈能變形幻入視聽厭刻鬼魅皆此類也周禮所謂

惟民王制稱挾左道者也

魏時方士甘陵甘始

廬江有左慈陽城有鄭儉始能行氣導引慈曉房中之術善辟穀不食遂號二百歲人凡如此之徒武帝皆集之於魏不使遊散甘始老而少容曹子建密問其所行始言木綿姓韓字世雄嘗與師於南海作金投數萬斤於海又取鯉魚一隻鯉遊行沉浮有若處涸其無藥者已熟而食言此藥去此踰遠萬里已不可行不能得也

皇甫隆遇青牛道士姓封名君達其餘養性法
即可放用大略云體欲嘗少勞無過虛食去
肥濃節酸鹹減思慮損喜怒除馳逐慎房室
施瀉秋冬閉藏詳別篇武帝行之有效

文帝典論曰陳思王曹植辯道論云世有吾王
悉招至之甘陵有甘始廬江有左慈陽城有
鄒儉始能行氣儉善辟穀參號三百歲人自
王與太子及余之兄弟咸以為調笑不全信
之然嘗試鄒儉辟穀百日猶興寢處行步起
居自若也夫人不食七日則死而儉乃能如

晃左慈脩房中之術善可以終命然非有至
情莫能行也甘始老而少容自諸術士咸共
歸之王使鄒孟節主領諸人

近魏明帝時河東有焦生者裸而不衣處穴不
難入水不凍杜恕為太守親所呼見皆有實

事周日用白焦孝然進河居一庵大雪庵倒
或折薪束火而絕故魏書云自義皇以來一人而已

穎川陳元方韓元長時之通才者所以並信有
仙者其父時所傳聞河南密縣有成公其人
出行不知所至復來還語其家云我得仙因

與家人辭訣而去，其步漸高，良久乃沒，而不見。至今密縣傳其仙去，二君以信有仙，蓋由於此也。調日用日，豈三子之稱。

桓譚新論說：方士有董仲君，罪繫獄，佯死，臭自離出，既而復生。

黃帝問天老曰：「天地所生，豈有食之令人不死者乎？」天老曰：「太陽之草名曰黃精，食之可以長生。」太陰之草名曰鉤吻，不可食，入口立死。人信鉤吻之殺人，不信黃精之益壽，亦惑乎也。謂日細人無驗，則益壽不可信矣。

○服食

左元放荒年法：擇木豆、麌、細調勻，必令熟，按之令有光煙氣徹豆心內，先不食。一日以冷水頓服，訖其魚肉菜果不得復經口渴，即飲水慎不可煖飲，初小困，十數日後體力壯健，不復思食。

鮫法：服三升為劑，亦當常先食，多少增損之，盛豐欲還者，煮葵子及脂蘇，服肉羹漸漸飲之，須豆下乃可食，豆未盡而以實物腸塞，則殺人矣。此未試或可以然。沈周日用日，又一法。

熟即塗之以意量多少即入食之
常渴即飲冷水已熟茶耳

孔子家語曰食水者乃耐寒而苦浮食土者無心不食木者多而不治食石者肥澤而不老食草者善走而愚食桑者有緒而蛾食肉者勇而悍食氣者神明而壽食穀者智慧而夭不食者不死而神仙傳曰惟食者百病妖邪之所鍾焉

西域有蒲萄酒積年不敗彼俗云可十年飲之醉終月乃解

所食愈少心開逾益所食愈多心逾塞年逾損

焉

○辨方士

漢淮南王謀反被誅亦云得道輕舉

周日用

漢書云淮

南自刑應不然平得道輕舉非虛事也至二淮揚境內馬迹猶存且曰興成公同處皆上品真人耳既談道德青圖授遂之事況恒行陰旨好書鼓不善弋獵淮南內書言神仙黃白之術去反事遠矣夫古今書傳多黜仙道者慮帝王公侯廢萬機而慕其道故急而不書唯老耻不可掩而云二百歲後西遊流以不知所之庚書云蜀有一女道士謝自然一日上昇此外歷代史籍未嘗言也

鈞弋夫人被殺於雲陽而言尸解極空周日用

天人被大風拔樹揚沙

揭石亦不云尸解矣

文典論云議郎李顥學郊儉辟穀服葛衣飲水
中不塞洟^止殆至須^{三日}命軍祭酒弘農董芬學
甘始鵠視狼頭呼吸吐納^之為之過差氣閉^不
通良久乃蘇寺人嚴峻就左慈學補道之術
闔豎真無事於斯而逐聲若此

又云王仲統云甘始左元於東郭延年行客成
御婦人法並為^之相所錄間行其術亦得其
驗降就道士劉景受^之每九年^一元方年三百歲莫知所在武帝恒御此藥亦云有驗劉
德治淮南王獄得枕中鴻寶祕書及子向感

而竒之信黃白之術可成謂神仙之道可致
卒亦無驗乃以罹罪也周日用神仙之道

可得黃白者也仍湏有分昇騰者

應湏有骨安可偶然而得効也

劉根不覺飢渴或謂能忍盈虛王仲都當盛夏
之月十爐火炙之不熱當嚴冬之時裸之而不
不寒恒山君以為性耐寒暑恒山以無仙道
好竒者為之前者已述焉

司馬遷云無堯以天下讓許由事楊雄亦云誇
大者為之楊雄又云無仙道柏譚亦同

